



# **PRAVILNIK ZA STICANJE ZVANJA (POJASEVA)**

**Sarajevo, April 2011. godine**

**P R A V I L N I K  
O S T I C A N J U Z V A N J A**

**(P O J A S E V A)**

Na osnovu Statuta Karate Saveza Bosne I Hercegovine čl.20 I čl.30 Upravni odbor Saveza je na sjednici održanoj 20.04.2011.godine usvojio

## **PRAVILNIK ZA STICANJE ZVANJA ( POJASEVA)**

### **1. OPŠTE ODREDBE**

- 1.1. Osnov za sticanje zvanja (pojasa) je lični dostignuti nivo poznavanja i uvježbanosti programa za polaganje.
- 1.2. Bojom pojasa označava se stepen ovladanosti karate sportom.
- 1.3. Nošenje pripadajućeg pojasa je pravo i obaveza svakog pojedinca.
- 1.4. Program za polaganje je sastavni dio ovog Pravilnika.

### **2. USLOVI ZA IZLAZAK NA ISPIT**

#### **2.1. OPŠTI USLOVI ZA IZLAZAK NA ISPIT:**

- 2.1.1. Pripadnost klubu, uredno registrovanom u KS BiH.
- 2.1.2. Uredno popunjena i ovjerena knjižica u koju se upisuju zvanja.
- 2.1.3. Kandidati za učenička zvanja, za polaganje izvan matičnog kluba moraju priložiti pismenu saglasnost matičnog kluba.
- 2.1.4. Kandidati za crne pojaseve, moraju imati prijavu za polaganje ovjerenu od matičnog kluba.
- 2.1.5. Uplata propisane takse.

#### **2.2. VREMENSKI USLOVI /minimalni/**

##### **2.2.1. UČENIČKA ZVANJA**

- 8.KYU (za uzrast od 5 do 7 godina)
- 7.KYU (za uzrast od 5 do 7 godina)
- 6.KYU (za uzrast od 5 do 7 godina)
  
- ŽUTI pojas (5. KYU) jedna polusezona aktivnog treninga po programu za polaganje;
- ORANŽ pojas (4. KYU) dvije polusezone aktivnog treninga po programu za polaganje;
- ZELENI pojas (3. KYU) tri polusezone aktivnog treninga po programu za polaganje;
- PLAVI pojas (2.KYU) četiri polusezone aktivnog treninga po programu za polaganje;
- SMEĐI pojas (1. KYU) pet polusezona aktivnog treninga po programu za polaganje.
  
- Polaganje se u pravilu organizuje u mjesecu junu i januaru.
- Polaganje se može organizovati i mimo predviđenih rokova za kandidate koji imaju duži staž od predviđenog.

## **2.2.2. CRNI POJAS**

### **2.2.2.1.Sistem zvanja**

- Sistem zvanja je zasnovan na priznavanju ličnog nivoa poznavanja karate vještine kandidata(takmičar ,trener, stručnjak, instructor itd.)
- Zvanja viša od 4.DAN dodjeljuju se osobama koje pored svog ličnog usavršavanja daju doprinos razvoju i unapređenju karate sporta.
- Karate Savez Bosne i Hercegovine zvanja može dodjeljivati i verifikovati samo svojom članovima .

-U Svjetskoj Karate Federaciji I Karate Savezu BiH postoje tri nivoa zvanja:

-Zvanja od 1.DAN do 7.DAN koje dodjeljuje Karate Savez BiH.

Dodjeljena zvanja mogu biti potvrđena od WKF-a,odnosno za njih se može dobiti diplomaWKF-a .

Molbu za izdavanje diploma podnosi Savez u skladu sa propisanom procedurom.

Diplomu o dodjeljenom zvanju izdaje Predsjednik WKF-a a predsjednik Saveza je supotpisnik na diplomi.

-Savez može za razvoj i unapređenje karate sporta dodjeliti i zvanje 8.DAN ili više ali za ta zvanja nije moguće dobiti diplomu WKF-a.

-Zvanja 8.DAN ili više za razvoj i unapređenje karate sporta na svjetskom Nivou, u skladu sa propisanom procedurom na prijedlog Izvršnog odbora WKF-a dodjeljuje kongres.

Diolome za dodjeljena zvanja izdaje WKF

### **2.2.2.2.Opšti uslovi**

Navedena starosna dob i vremenski intervali su uslovi za sticanje zvanja .

**1. DAN** –min.15 godina starosti,3 godine treniranja min. 1 godina od sticanja 1.KYU

**2. DAN** –min.17 godina starosti i min.2 godine od sticanja zvanja 1. DAN.

**3. DAN** – min. 20 godina starosti i min. 3 godine od sticanja zvanja 2. DAN.

**4.DAN** – min.24 godine starosti i min. 4 godine od sticanja zvanaja 3.DAN

#### **5. DAN –min.29 godina starosti i min. 5 godina od sticanja zvanja 4.DAN**

- Da je trener ili selektor sa najmanje 2 godine staža na tim funkcijama.
- Da je imao ili ima minimalno jednog reprezentativca u međunarodnom službenom sistemu takmičenja.
- Ostvareni rezultati na državnom ili višem nivou takmičenja(minimalno srebrna ili zlatna medalja medalja na državnom nivou takmičenja).
- Da je sudija sa važećom EKF ili WKF licencom.

#### **6.DAN – min.35 godina starosti i min. 6 godina od sticanja zvanja 5.DAN**

- Da je trener ili selektor sa najmanje 2. godine staža na tim funkcijama
- Da je imao ili ima minimalno jednog reprezentativca u međunarodnom službenom sistemu takmičenja.
- Ostvareni rezultati na državnom ili višem nivou takmičenja (minimalno srebrna ili zlatna medalja na državnom nivou takmičenja)
- Da je sudija sa važećom EKF ili WKF licencom.

#### **7. DAN – min.42 godine starosti i min.7 godina od sticanja zvanja 6.DAN**

- Da je trener ili selector najmanje 3 godine (ostvareni rezultati takmičara na Evropskom ili Svjetskom prvenstvu)
- Da je imao ili ima najmanje 3 reprezentativca u međunarodnom službenom sistemu takmičenja
- Da je sudija sa važećom WKF licencom

#### **8. DAN – min.50 godina starosti i min. 8 godina od sticanja zvanja 7.DAN**

- Da je selektor ili trene najmanje 4 godine (ostvareni rezultati Takmičara, zlatna ili srebrna medalja na Evropskom ili Svjetskom Prvensvu)

#### **9. DAN – Dodjeljuje se za izuzetan doprinos karate sportu**

#### **10. DAN - Dodjeljuje se za izuzetan doprinos karate sportu**

### **3.ORGANIZACIJA I PROVOĐENJE ISPITA**

#### **3.1. Organizator ispita za učenička zvanja je klub.**

##### **3.1.1. Organizator ispita za majstorska zvanja je Karate Savez BiH.**

- Savez može tehničku organizaciju ispita povjeriti klubu, opštinskom, kantonalnom, entitetskom Savezu, odnosno Savezu koji su formirali klubovi udruženi,registrovani, u Karate Savezu Bosne i Hercegovine.
- Organizator ispita je dužan da obezbjedi optimalne uslove za polaganje poštujući odredbe ovog Pravilnika i ostalih normativnih akata Saveza.

**3.1.2.** Termin održavanja ispita za majstorska zvanja se određuje kalendarom Aktivnosti Saveza

- Minimalan broj kandidata za organizaciju ispita je 15.

**3.1.3.** Ispite za zvanja provodi Komisija za zvanja, putem ovlaštenih ispitivača.

**3.3.1. Minimalni kriterijumi za imenovanje ispitivača su:**

- Zvanje u karateu 2. DAN i više.
- Minimum 25 godina starosti.
- Minimum tri godine trenerskog staža u zvanju crnog pojasa.
- 

Prilikom delegiranja ispitivača komisija će voditi računa o nivou polaganja.

**3.4.** Komisija za provođenje ispita za crni pojas i učenička zvanja sastoji se od Predsjednika i dva člana.

- Predsjednika i članove komisije za crni pojas imenuje komisija za zvanja KS BiH.

Predsjednika i članove komisije za učenička zvanja imenuje nadležna komisija u skladu sa odlukom o prenosu ovlasti na niže oblike organizovanja.

-Predsjednik I članovi komisije su licencirani ispitivači sa važećom licencom.

**3.5.** Predsjednik i članovi komisije za zvanja crni pojas, trebaju imati najmanje za jedan stepen više zvanje od onog za koji kandidati polažu.

**3.6.** Kandidati se ocjenjuju na propisanom obrascu, koji je sastavni dio zapisnika o polaganju. Da bi kandidat dobio zvanje za njega moraju glasati dva od tri člana komisije.

**3.7.** Kandidatima koji uspješno polaže ispit, zvanje se upisuje i ovjerava u za to predviđenu knjižicu i uručuje im se diploma KS BiH.

- Evidenciju i ovjeru učeničkih zvanja vrše klubovi.

- Evidenciju i ovjeru zvanja crni pojas vrši KarateSavez Bosne I Hercegovine.

**3.8.** Redovni licencni seminar za ispitivače u pravilu se organizuje svake druge godine.

- U godini u kojoj se ne održava redovni licencni seminar, vanredni licencni seminar se može održati uz uslov da je za seminar prijavljeno najmanje 15 kandidata.

- Licenca ima važnost dvije godine.

- Upravni odbor Saveza može na prijedlog komisije za zvanja, važnost pojedinih licenci produžiti za godinu dana.

**3.9.** Program, predavače i instruktore na licencnom seminaru određuje komisija za zvanja KS BiH.

**3.10.** Odluku o uslovima licenciranja na prijedlog komisije za zvanja donosi Upravni odbor KS BiH.

#### **4. VERIFIKACIJA ZVANJA**

**4.1.** Verifikacija zvanja stečenog pred ispitnom komisijom druge države, Karate federacije vrši komisija za zvanja KS BiH na osnovu zahtjeva kluba i pismenog dokaza o zvanju koje se želi verifikovati.

**4.2.** Zvanje stečeno u drugoj državi, Karate federaciji bez prethodno dobivene saglasnosti može se verifikovati samo pod uslovom da je ta federacija udružena u EKF. ili WKF. i da je lice u toj državi neprekidno boravilo najmanje 12 mjeseci.

**4.3.** Saglasnost za polaganje izvan BiH daje komisija za zvanja Karate Saveza BiH i to isključivo za zvanja za koja KS BiH ne može organizovati polaganje na osnovu odredaba ovog Pravilnika, i drugih normativnih akata Saveza

#### **5. DODJELA ZVANJA ZASLUŽNIM SPORTISTIMA ,TRENERIM I SPORTSKIM RADNICIMA**

**5.1.** Upravni odbor Saveza može samoinicijativno, na prijedlog Komisije za zvanja ili kluba dodjeliti zvanje crni pojas, licima koja su prema mišljenju upravnog odbora Saveza dala doprinos razvoju i unaprijeđenju karate sporta. Predlagač je dužan dostaviti detaljno obrazloženje.

**5.2.** Karate zvanje od 5. DAN-a i više može dodjeliti Upravni odbor Saveza.

**5.2.1.** Prijedlog za dodjelu zvanja daje Komisija za zvanja Saveza ili klub.

**5.2.2.** Prijedlog u pisanoj formi mora sadržavati obrazloženje i dokaze o ispunjavanju uslova za dobivanje zvanja.

**5.2.3.** Počasno karate zvanje može dodjeliti Upravni odbor Saveza, samoinicijativno ili na prijedlog komisija, klubova.

**5.2.3.** Prijedlog za dodjelu zvanja mora biti u pisanom obliku i sadržavati detaljno obrazloženje.

## **6. FINANSIJSKE ODREDBE**

- 6.1.** Kandidati za izlazak na ispit uplaćuju taksu. Visinu takse određuje Upravni odbor Saveza BiH.
- 6.2.** Ispitivačima pored troškova putovanja, smještaja i dnevnica pripada i naknada za stručni rad. Visinu naknade određuje Upravni odbor Saveza.
- Troškovi se isplaćuju odmah po završetku ispita, a naknada za rad putem ugovora o djelu.

## **7. ZAVRŠNE ODREDBE**

- 7.1.** Kandidati za zvanja crni pojas koji žele polagati izvan BiH, moraju imati saglasnost komisije za zvanja Karate Saveza BiH.
- 7.2.** Kršenje odredaba u cilju sticanja zvanja za sobom povlači suspenziju u svim oblastima karate sporta u trajanju od dvije godine.
- 7.3.** Ispitivači koji održe ispit za zvanja bez odobrenja Komisije za zvanja, ili krše odredbe ovog Pravilnika, drugih normativnih akata ili odluka Upravnog odbora KS BiH, odnosno svojim nestručnim radom ili nedoličnim ponašanjem krnje ugled ispitivača ili karate sporta, suspenduju se sa liste ispitivača na rok od dvije godine, a dodijeljena zvanja se poništavaju.
- 7.4.** Klub koji organizuje ispit za zvanja bez saglasnosti Komisije za zvanja izriče se mjera zabrane organizovanja ispita za zvanja u trajanju od dvije godine, a dodijeljena zvanja se poništavaju.
- 7.5.** Suspenzije predlaže Komisija za zvanja, a izriče ih Upravni odbor Saveza.
- 7.6.** Izmjene i dopune ovog Pravilnika vrši se na način i po postupku njegovog donošenja.

Usvajanjem ovog pravilnika prestaje da važi pravilnik iz Juna 2008.godine

Sarajevo, 20.04.2011.godine

Dragan Vikić  
Predsjednik





